

虛空藏菩薩能滿諸願最勝心陀羅尼求聞持法

出金剛頂經成陀羅尼品 唐三藏法師旃迦羅譯

爾時薄伽梵入諸波羅密平等性三摩地從定起已即說此能滿諸願虛空藏菩薩最勝心陀羅尼曰

南牟一阿迦<sub>引去舒</sub>捨<sub>反舒</sub>二揭<sub>反魚</sub>羯婆<sub>引去耶</sub>余<sub>反余</sub>三

奄四阿喇五迦入麼喇六慕喇七莎縛訶八薄伽梵言此陀羅尼是過去現在一切諸佛之所同說若能常誦此陀羅尼者從無始來五無間等一切罪障悉皆消滅常得一切諸佛菩薩共所護念乃至未成佛來所生之處虛空藏菩薩恒隨守護令諸有情常所樂見諸有善願無不滿足一切苦患皆悉消除常生人天不墮惡趣生生之處常憶宿命設不加法但能常誦獲福如是若欲加法持此陀羅尼求聞持者當於絹素白氎或淨板上先畫滿月於中畫虛空藏菩薩像其量下至不減一肘或復過此任其力辦菩薩滿月增減

相稱身作金色寶蓮華上半跏而坐以右押左容顏殊妙作熙怡喜悅之相於寶冠上有五佛像結跏趺坐菩薩左手執白蓮華微作紅色於華臺上有如意寶珠吠琉璃色黃光發燄右手復作與諸願印五指垂下現掌內外是與願印相畫像了已當於空閑寂靜之

處或在淨室塔廟山頂樹下隨在一處安置其像面正向西或容向北淨物覆之別作一方木曼荼羅下至一肘過此亦任其壇下安四足或以編附上面去地恰須四指其板若用檀沉作者最為殊勝不尔或以柏等有香之木為之亦得如法作已置於像前次應嚴辦五種供具所謂塗香諸花燒香飲食燈明塗香者磨白栴檀為之花以隨時藥草所生者充若無時花當以粳米或燒蕎麥或取橘柏等葉或用丁香以充花用燒香但以沉檀龍腦隨應用之食除葷穢每須新淨燈用牛蘇油亦通許當欲具辦此物之時必須晨朝

與洗手面護淨如法具辦足已置在壇邊然後出外復以淨水重洗手已即作手印掌承淨水誦陀羅尼三遍便即飲之其手印相先仰舒右手五指其屈頭指與大母指相捻狀如捻香此是虛空藏菩薩如意寶珠成辦一切事印復以此印如前承水誦陀羅尼三遍羊竟已灑頂及身即令內外一切清淨次應往詣像所志心禮拜面向菩薩半跏而坐舉去像上所覆之物次即須作護身手印其手印相先舉右手然後以頭指與大母指相捻狀若捻香其頭指屈第二節其第一節極令端直方始印相如法作此印已置於頂上誦陀羅尼一遍次置右肩復誦一遍左肩心喉亦復如是作此護身法已一切諸佛及虛空藏菩薩攝受此人一切罪障即皆消滅身心清淨福慧增長一切諸魔及毗那夜迦皆不得便復作前印掌承淨水誦陀羅尼一遍灑塗香等諸供養物并壇及近壇之地復如前作

護身手印置塗香上誦陀羅尼一遍餘花香等乃至木壇各皆如是作此法已花香等物即便清淨復作護身手印右轉三匝兼指上下但運其印身不動搖誦陀羅尼七遍隨其自心遠近分齊結十方界次應閉目思惟虛空藏菩薩真身即與此像等無有異復用護身手印作意請虛空藏菩薩誦陀羅尼二十五遍已即舉大母指向裏招一度頭指如舊復作此印誦陀羅尼三遍楨上蓮華以之為座復想菩薩來坐此花即便開目見菩薩已生希有心作真身解又誦三遍手印如前作是念言今者菩薩來至於此是陀羅尼力非我所能唯願尊者暫住於此次取塗香誦陀羅尼一遍用塗其壇次復取花亦誦一遍布散壇上燒香飲食燈明次第取之皆誦一遍手持供養置在壇邊復作念言一切諸佛菩薩福慧熏脩所生幡蓋清淨香花衆寶之具悉皆嚴好復作手印誦陀羅尼一遍如前想念

諸供養物悉得成辦即持供養一切如來及諸菩薩如是運心供養中最如其不能辦塗香等供養之物但作第二運心供養法亦成就即以手印搯珠誦陀羅尼明記遍數誦時閉目想菩薩心上有一滿月然所誦陀羅尼字現滿月中皆作金色其字復從滿月流出澍行人頂復從口出入菩薩足如自發言諮啓菩薩足下誦陀羅尼未止息來所想之字巡還往來相續不絕如輪而轉身心若倦即須止息至誠瞻仰便坐禮拜閉目復觀滿月菩薩極明了已應更運心令漸增長周遍法界復漸略觀於最後時量如本已方始出觀又作前手印誦陀羅尼三遍已舉大姆指發遣菩薩作是念言唯願慈悲布施歡喜後會法事復垂降赴如是誦陀羅尼隨其力能或一日一上或一日兩上從始至終每如初日遍數多少亦如初上不得增減前後通計滿百萬遍其數乃終亦無時限然於中間不容

間闕後於日蝕或月蝕時隨力捨施飲食財物供養三寶即移菩薩及壇露地淨處安置復取牛蘇一兩盛貯熟銅器中并取有乳樹葉七枚及枝一條置在壇邊花香等物加常數倍供養之法一一同前供養畢已收前樹葉重布壇中復於葉上安置酥器還作手印誦陀羅尼三遍護持此酥又以樹枝攪酥勿停其手目觀日月兼亦看酥誦陀羅尼無限遍數初蝕後退未圓已來其酥即有三種相現一者氣二者煙三者火此下中上三品相中隨得一種法即成就得此相已便成神藥若食此藥即獲聞持一經耳日文義俱解記之於心永無遺忘諸餘福利無量無邊今且略說少分功德如至却退圓滿已來三相若無法不成就復應更從初首而作乃至七遍縱有五逆等極重罪障亦皆消滅法定成就

虛空藏菩薩能滿諸願最勝心陀羅尼求聞持法

虛空藏菩薩

白氈下上 女下 郎上 達反 反反 拽體下上 羊下 世反 反反 頰下 烏反 割反 波囊上 共反

橘柏下上 俱下 出上 反反 與洗下上 音下 相捻下上 帖下 反反 泥反 拳下 巨反 真反 恰須下上 合反 共反

楨上孟上 猪反 手搯下上 夾下 反反 口反 澍行下上 音下 何下 孟反 反反 日蝕下上 音下 食反

七枚下 音下 攪下 反反 古反 巧反

十八

佛說善夜經

羊三

唐三藏法師義淨奉制譯

如是我聞一時薄伽梵在王舍城竹林園所  
去斯不遠有一苾芻住溫泉側時有一天顏  
貌端嚴光明殊妙過初夜分詣苾芻所彼天  
威光周圍赫弈悉皆照耀普遍溫泉合掌禮  
敬在一面坐白苾芻言大德仁頗先聞善夜  
經不苾芻答曰我未曾聞如是經典復問天  
言仁先知不天曰我亦不知苾芻曰誰有知  
者天曰無上慈父在竹林園仁今可往詣彼  
請問如佛所說當奉行之說是語已忽然不  
現時彼苾芻至天曉已詣世尊所頂禮雙足  
在一面立白言世尊昨夜有天過初更後來  
詣我所光明照耀周遍溫泉而問我言仁頗  
先聞善夜經不我言未聞我問彼天仁先知  
不答言不知我復問言誰有知者彼言無上  
慈父在竹林園仁可往問如佛所說當奉行  
之說是語已忽然不現我緣斯事故來至此

羊三

十九